

البولس


كورنثوس الثانية

قوتي في الضعف تكمل .. نظرة جديدة لمفهوم القوة و الضعف في الصليب

صليب ربنا يسوع المفروض يغيّر قِيَمنا و نظرتنا للنجاح في الدنيا (و الغنى و القوة و الشهرة و المجد الأرضي) .. ربنا يحب المتواضعين و المتكلمين عليه ... و قوّته في الضعف البشري تكمل ... و روحه القدوس يعطينا القوة إننا نعيش بشرياً في ضعف لكن روحياً في قوة و مجد, زي ربنا يسوع

طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه
 ده مجرد ملخص بسيط, مش درس كتاب ☺

عن السفر i



? ظروف الكتابة:

- القديس بولس كان بشر أهل كورنثوس في رحلته التبشيرية الثانية ... و بعد ما مشي حصلت مشاكل, فكتب لهم رسالة عشان يعالج المشاكل دي
- واضح إن الرسالة عملت ردود أفعال مختلفة: ناس حزنت و تابت فعلاً ... لكن للأسف ناس كثير كان رد فعلها سلبي على الرسالة الأولى ... و بدأت تشكك في بولس كرسول و في كلامه
- كان سبب رفضهم له إنه في نظرهم مش الصورة المثالية للرسول ... راجل فقير و غلبان, و دائماً مُضطَّهَد و كلامه مافيهِوش حكمة بشرية عظيمة ... لما بدأوا يلاقوا معلِّمين من النوعية الغنية اللي طريقتهم فيها إبهار, بدأ بعض أهل كورنثوس يقل احترامهم للقديس بولس و بدأوا يخلوا منه
- فزارهم القديس بولس في رحلته التبشيرية الثالثة زيارة يبدو إنها كانت شديدة لكن برضه مش كل الناس استجابت ... فكتب لهم الرسالة دي

👉 السفر موجّه لمين؟ كنيسة كورنثوس (اليونان)

📌 **هدف السفر:** بيفهّمنا إزاي الصليب قلب موازين الفخر عند الناس, من المنظر و القوة إلى المحبة و التضحية

☰ ترتيب السفر

إصحاح 1 ل 7

مصالحة بين بولس و كنيسة كورنثوس

بعد رسالة أولى شديدة اللهجة, يشرح القديس بولس سبب و نتيجة الرسالة الأولى

إصحاح 8 و 9

الكرّم في العطاء

بيشجّعهم القديس بولس على عمل الرحمة و مساعدة الكنائس الفقيرة

إصحاح 10 و 13

دفاع القديس بولس عن خدمته

دفاع قوي من القديس بولس على رسوليته و صحة خدمته

مصالحة بين بولس و كنيسة كورنثوس

1-7 PAUL RECONCILES WITH THE CORINTHIANS

1-2a OPENING PRAYER
PRAISE THE GOD WHO COMFORTS US IN OUR TROUBLES! (1:3-4)

WHY DID THEY REJECT PAUL?
POOR! UNIMPRESSIVE! SUFFERING! WELL-OFF! SUCCESSFUL!
DISTORTED VALUE SYSTEM

2b TRUE CHRISTIAN LEADERSHIP: NOT ABOUT STATUS
POINTING OTHERS TO JESUS

3a LETTERS OF RECOMMENDATION
PROVE YOUR CREDENTIALS! WE DEMAND
WHAT!? YOU ARE MY LETTER OF RECOMMENDATION, WRITTEN BY THE SPIRIT. (3:2-4)
SEE JEREMIAH 31, EZEKIEL 36
NEW COVENANT PEOPLE

3b COMPARING THE:
OLD COVENANT → GOD → MOSES → ISRAEL → GLORIOUS, BUT FADING & INEFFECTIVE
NEW COVENANT → GOD → JESUS & THE SPIRIT → CORINTHIANS → GLORIOUS, ETERNAL & TRANSFORMATIVE

1-7 THE PARADOX OF THE CROSS
THE CROSS REVEALS:
→ GOD'S SALVATION: JESUS DIED FOR OUR SINS
→ GOD'S CHARACTER: SELF-GIVING LOVE
→ A NEW 'CRUCIFORM' WAY OF LIFE: IMITATING THE CROSS
CORINTHIANS: HUMILITY, SUFFERING, POVERTY
PROOF THAT PAUL AUTHENTICALLY REPRESENTS THE CRUCIFIED & RISEN JESUS
JESUS GLORIOUSLY EXALTED... THROUGH HIS SUFFERING & DEATH

يبدأ القديس بولس في الإصحاح الأول ب شكر لربنا على تعزيته ليه و لكل من هم في ضيقة (ممكن قصده الناس اللي تابت من أهل كورنثوس بعد رسالته الأولى)

الذي يعزينا في كل ضيقتنا، حتى نستطيع أن نعزي الذين هم في كل ضيقة بالتعزية التي نتعزي نحن بها من الله.

كورنثوس الثانية 1 : 4

👉 في الإصحاح الثاني ينتقل لقضية الإنسان اللي أخطأ مع امرأة أبيه ... و بعد ما أوصى بعقابه عشان يتوب و يحس بالجريمة اللي عملها (في الرسالة الأولى)، **بيطلب من أهل كورنثوس يسامحوه و يظهروا له حُبهم** ... عشان مايبأسش و يُقَع تحت يد الشيطان فيهلك

لئلا يطمع فينا الشيطان، لأننا لا نجهل أفكاره.

كورنثوس الثانية 2 : 11

💡 في الإصحاح الثالث بيقارن القديس بولس بين خدمة العهد القديم (لما موسى النبي أخذ لوحى الشريعة على الجبل و نزل وجهه مضيء لدرجة إنه كان بيحط برقع على وجهه) و بين خدمة العهد الجديد ... و بيقول إن طالما خدمة العهد القديم (و في الآخر هي حروف الناموس مكتوبة) **حصلت في مجد، فكم بالأولى جداً خدمة العهد الجديد** اللي الوسيط بتاعها ربنا يسوع القائم المخلص لشعبه المفروض إحنا بقى مانعملش زي بني إسرائيل و مانخليش فيه برقع على عيننا و عقلنا يحجب عنا ربنا يسوع

و نحن جميعاً ناظرين مجد الرب بوجه مكشوف، كما في مرآة، نتغير إلى تلك الصورة عيناها، من مجد إلى مجد، كما من الرب الروح

كورنثوس الثانية 3 : 18

الإصحاحات من 4 ل 7 بتبين معنى المجد ده ... و قد إيه هو عكس المنظر اللي أهل كورنثوس متوقعينه

✝ في إصحاح 4 بيبيّن لهم إن زي ما ربنا ملك على خشبة الصليب، كذلك رسله ما عندهومش صورة المجد اللي العالم متخيّلها

و لكن لنا هذا الكنز في أوان خزفية، ليكون فضل القوة لله لا مِنّا ... حاملين في الجسد كل حين إماتة الرب يسوع، لكي تظهر حياة يسوع أيضاً في جسدنا.

كورنثوس الثانية 4 : 7 و 10

👉 في **إصحاح 5** بيبيّن محبة ربنا و فدائه على الصليب عشان يصلحنا مع الله ... و دي خدمة القديس بولس و باقي الرسل: **خدمة المصالحة كسفراء لربنا يسوع**

و هو مات لأجل الجميع كي يعيش الأحياء فيما بعد لا لأنفسهم, بل للذي مات لأجلهم و قام ... أي إن الله كان في المسيح مصالِحاً العالم لنفسه, غير حاسب لهم خطاياهم, و واضحاً فينا كلمة المصالحة. إذأ نسعى كسفراء عن المسيح, كأن الله يعظ بنا. نطلب عن المسيح: تصلحوا مع الله. لأنه جعل الذي لم يعرف خطية, خطية لأجلنا, لنصير نحن بر الله فيه.

كورنثوس الثانية 5 : 15 و 19 ل 21

⚠️ في **إصحاح 6** بيبيّن القديس بولس لأهل كورنثوس إن تعبته في الخدمة عشان اسم ربنا يسوع فيهم قصاده مجد و تعزية من جواه ... زي ربنا يسوع المصلوب ... و **أهل كورنثوس في رفضهم لصورة القديس بولس بيرفضوا صورة السيد المسيح المصلوب**

كحزاني و نحن دائماً فرحون, كفقراء و نحن نُغني كثيرين, كأنّ لا شيء لنا و نحن نملك كل شيء

كورنثوس الثانية 6 : 10

👉 في **إصحاح 7** **بيصالحهم القديس بولس** و يقول إنه فرح للناس اللي تابت من الرسالة الأولى و حزنت حزن روجي

لأن الحزن الذي بحسب مشيئة الله ينشئ توبة لخلص بلا ندامة, و أما حزن العالم فينشئ موتاً.

كورنثوس الثانية 7 : 10

الكّرّم في العطاء



في الفترة دي كان فيه حالة فقر و مجاعة شديدة في أورشليم ... و القديس بولس كان يجمع بركات من باقي كنائس آسيا و أوروبا لإخواتهم في كنيسة أورشليم.

ناس كتير استجابت لدعوته (زي كنيسة فيلبي) .. لكن كنيسة كورنثوس ماستجابتش قوي.

طبعاً ده أقلق القديس بولس لأن عدم السخاء في العطاء يدل على عدم فهم للإنجيل ... لربنا يسوع اللي أخلى ذاته و تجسد آخذاً صورة عبد عشان يغنيننا بمجده، إحنا اللي الخطية أفقرتنا و

الإنسان المسيحي إنسان معطاء (مش بس في الفلوس)

فإنكم تعرفون نعمة ربنا يسوع المسيح، أنه من أجلكم افتقر و هو غني، لكي تستغنوا أنتم بفقره.

كورنثوس الثانية 8 : 9

هذا و إن من يزرع بالشح فبالشح أيضاً يحصد، و من يزرع بالبركات فبالبركات أيضاً يحصد. كل واحد كما ينوي بقلبه، ليس عن حزن أو اضطرار. لأن المعطي المسرور يحبه الله. و الله قادر أن يزيدكم كل نعمة، لكي تكونوا و لكم كل اكتفاء كل حين في كل شيء، تزدادون في كل عمل صالح.

كورنثوس الثانية 9 : 6 ل 8

دفاع القديس بولس عن خدمته

10-13 PAUL'S FINAL CHALLENGE

10-12
A MAIN SOURCE OF THE CONFLICT

PAUL? HA!

THE SUPER-APOSTLES
(11:5, 12:11)

- ✓ JEWISH BIBLE EXPERTS
- ✓ KNOWLEDGE ABOUT JESUS
- ✓ ASKED FOR LOTS OF MONEY

CORINTHIANS

PAUL

- ✓ A PHARISEE (MEMORIZED THE WHOLE BIBLE!)
- ✓ SPENT TIME WITH THE RISEN JESUS
- ✓ HAD VISIONS OF JESUS' HEAVENLY THRONE ROOM
- ✓ GIVEN HIS ENTIRE LIFE TO THE MISSION OF JESUS
- ✓ NEVER ASKED FOR MONEY

BUT NONE OF THIS MATTERS! INSTEAD, I WILL BRAG ABOUT MY WEAKNESS.
(11:30)

"PAUL, MY GRACE IS SUFFICIENT FOR YOU, FOR MY POWER IS MADE PERFECT THROUGH WEAKNESS."
(12:9)

13
A SOBER WARNING

SERIOUSLY! YOU NEED TO CHECK YOURSELVES.
(13:5)

في الآخر يقارن القديس بولس مؤسس كنيسة كورنثوس بين نفسه و بين المعلمين المفتخرين بأنفسهم اللي هناك و يذمّوا في القديس بولس ... و اجتذبوا ناس كثير وراهم، شايفينهم مبهرين أكثر من القديس بولس

🔑 في **إصحاح 10** يقول إن مبدأ إن الشخص يفتخر بنفسه ده مبدأ خاطئ تماماً في الخدمة!

و أما؛ من افتخر فليفتخر بالرب. لأنه ليس من مَدَح نفسه هو المُزَكَّى، بل من يمدحه الرب.

كورنثوس الثانية 10 : 17 و 18

📖 في **إصحاح 11** يقارن نفسه بالخدام المفتخرين دول ... و يقول لو على أسباب الافتخار البشري فأنا عندي أسباب افتخار أكثر: "أنا يهودي فرّيسي ... ظهر لي ربنا يسوع بنفسه و دعاني ... و أنا كُزّست نفسي للخدمة و أنا أكثر واحد تَعَب و تحمّل آلام في كل الرسل ... و أنا عُمرى ما تَقَلت عليكم، بل كنت باشتغل عشان أوصل لكم الإنجيل مجاناً" ... و طبعاً القديس بولس خايف على ولاده إن المعلمين الفاسدين ذُول يبعدهم عن ربنا

و لكنني أخاف أنه كما خدعت الحية حواء بمكرها، هكذا تفسد أذهانكم عن البساطة التي في المسيح.

كورنثوس الثانية 11 : 3

📖 في **إصحاح 12** بيكشف القديس بولس إنه في رؤية صعد للفردوس ... بعد كده خاف و حس إنه افتخر بنفسه (مضطر عشان أولاده يصدقوه)، ف قال لهم على ضعفاته اللي ربنا سمح بيها عشان يحمي بولس من التكبر

و لئلا أرتفع بفِرط الإعلانات، أُعطيت شوكة في الجسد، ملاك الشيطان ليلطمني، لئلا أرتفع. من جهة هذا تضرعت إلى الرب ثلاث مرات أن يفارقني. فقال لي: تكفيك نعمتي، لأن قوتي في الضعف تكمل. فبكل سرور أفتخر بالحري في ضعفاتي، لكي تحلّ عليّ قوة المسيح.

كورنثوس الثانية 12 : 7 ل 9

❗ في **إصحاح 13** بيختم القديس بولس رسالته بتحذير شديد لأهل كورنثوس، إنه هاييجي يزورهم للمرة الثالثة قريب ... (يعني يراجعوا نفسهم و إيمانهم و نظرتهم للقديس بولس) عشان هم في خطوة كبيرة لو استمروا في فكرهم المتكبر ده

جربوا أنفسكم، هل أنتم في الإيمان؟ امتحنوا أنفسكم. أم لستم تعرفون أنفسكم، أن يسوع المسيح هو فيكم، إن لم تكونوا مرفوضين؟

كورنثوس الثانية 13 : 5



المراجع

- موقع The Bible Project
- وعظة أبونا داود لمعي من برنامج فتشوا الكتب
- موقع القديس تكلاهيمانوت